

Колхоз бусы

ВКП(б)-лэн
Зурийской
райкомезлэн но
райсөветлэн
исполкомезлэн органы

Тулыс кизенлэн мынэмез сярысь

Удмуртской АССР-лэн Народной Комиссар'ёсызлэн Советсылэн 1941 арин 9 апреле постановленийез

Совнарком пус'е, ч о республикалэн южной район'ёсаз, тужгес ик Каракулинской, Камбарской, Ижевской но Мало-Пургинской район'ёсын, тулыс кизён ляб организовать каремын. Таосысьтыз но мукет'ёсысьтыз южной район'ёсысь колхоз'ёс, массово кизыны луоно ке но, бусы уж'ёсты ялан бырыса нво на. Данак райсовет'ёслэн исполком'ёсылэн председател'ёсы, райзоослэн заведующийёсы, МТС-ёслэн директор'ёсы но колхоз'ёслэн правленийосы бусы уж'ёс борды ялан умой-умой оз кутске на, соосты жог ортчтон вылысь кулэ ужрад'ёс уг кудо. Камбарской районн бусы уж'ёслэн 4 нунал'ёсы чоже 7 май азелы 37 гектар гинэ кизизы но 115 гектар гинэ гыризы.

Ижевской, Кизнерской, Завьяловской, Мало-Пургинской но мукет'ёсаз район'ёсын тулыс кизёнын агротехникаез грубо тьян факт'ёс луыло: лэзиске лазег гырон (10—12 см. мурда), фигурно но кусып кельтылыса гыро, кын улэ гыремез урод культивировать каро но тысьёсты ог мурдалае уг сого (Ижевской районьсь „Свобода“ колхоз), кын улэ гыремез вазь уг усаяло, тулыс гырон, усаян но кизён куспын вис каро, со муз'емез ко-сатэ. Кылсярысь, Вавожской районн 7 май азелы гыремын но культивировать каремын 974 гектар, нош киземын 103 гектар гинэ, Больше-Учинскойн — гыремын но культивировать каремын 480 гектар, но одйг гектар но киземын овёл. Кизён азын куддыр'я сеялкаос нормая кизён но кулэ мурдалае согон вылысь уг тупат'ёско.

Ижевской МТС-лэн 4 №-ро тракторной бригадаяз усыятг гыро, та уж'ёсты чош быдэ'яны луоно ке но. Мало-Пургинской, Ижевской но куд-огаз мукет район'ёсын тысё юсты но картофаез куд-ог колхоз'ёсын яровизировать уг каро, бэбовой культураослы нитрагин уже урод кут'ёске но кидыс'ёсты термически протравливать карон организовать карымтэ.

Куд-ог колхоз'ёсын бусы уж'ёс шонер рад'ямын овёл. Ойг бороздаей 4-5 плуг'ёсын гыро, звеноосты обезличивать каро, ужан нуналлы распорядок овёл, колхозник'ёс уже бер потало, нош ужысь вазь бертыло. Ваньмыз соин сэрэн ужатэк улон'ёс луо но уж азинлык уг мыны. Озын, Мало-Пургинской районьсь „Первый май“ колхозын 1 1/2 ну-

нал чоже 8 валэн 2,5 гектар гинэ гыризы.

Мало-Пургинской но Кыясовской район'ёсын минеральной удобринос уже туж ожит кут'ёско, тросэз соос колхоз'ёсы вайымтэ, ваем'ёссэ но муз'ем вылэ утялтытэк, дасятэк пазяло. Верам район'ёсысь куд-ог колхоз'ёсын кизем озимой'ёсты утялтонэз уг дун'яло, соосты усаянэз но подкормка лэстынэз кулэ уг каро. Каракулинской районн 7 май азелы озимой'ёс 17 гектар гинэ усаямын, подкормка 68 гектар вылын гинэ лэстынэз.

Совнарком пус'е тулыс кизёнын бусы уж'ёслэсь но озимой'ёсты утялтонлэсь жечлыкэс агроном'ёслэсь тырмыт эскерымтэзэс, тужгес ик Камбарской, Завьяловской но Мало-Пургинской район'ёсын.

Вань верам тырмытэос, кызы ке трудящийёслэн депутат'ёсылэн райсовет'ёсылэн исполком'ёсылэн председател'ёсылэн, озын ик райзоослэн заведующий'ёсылэн но МТС-ёслэн директор'ёсылэн тулыс бусы уж'ёсын вылт'ыз гинэ кивалтэменъзы луэмын.

Народной Комиссар'ёслэн Советсы пунктэ:

1. УАССР-лэсь Наркомземэз, трудящийёслэн райсовет'ёсылэн исполком'ёсылэсь председател'ёсэс, райзоослэсь заведующийёсэс, МТС-ёслэсь директор'ёсэс но колхоз'ёслэсь правленийосэс косоно пус'ем тырмытэосты чик жегатскыгэк быдтыны но тулыс кизёнэз но озимой'ёсты утялтонэз выль агротехникая вакчи дыр куспын ортчтон вылысь жегатскытэк ужрад'ёс кутыны.

2. Трудящийёслэн депутат'ёсылэн райсовет'ёсылэсь исполком'ёсэс, райзоослэсь заведующийёсэс, МТС-ёслэсь директор'ёсэс но агроном'ёсты косоно бусы уж'ёслэсь, котькуд колхозэн но тракторной бригадаен нуналлы сэтэм заданиез быдэ'ямзылэсь жечлыкэс пыр поч эскерылыны. Ужез урод быдэ'ясыёсты но агротехнической ужрад'ёсты т'ясыёсты ответственность улэ кысконо.

3. Трудящийёслэн депутат'ёсылэн райсовет'ёсылэн исполком'ёсылэсь председател'ёсэс, райзоослэсь заведующийёсэс но МТС-ёслэсь директор'ёсэс валэс юсты кизён планэз но озимой'ёсты утялтон ужрад'ёсты дырыз дыр'я но выль жечлыко быдэстон понна соослэн персональной ответственностьсы сярысь предупредить кароно.

УАССР-лэн Народной Комиссар'ёсызлэн Советсылэн Председателэз А. ТРОНИН.

УАССР-лэн Совнаркомезлэн делосыныз управляющей Г. ИВШИН.

Тулыс ю кизёнсь азьмын'ёс

„Гражданка“ колхозын выборочно гырон но ю кизён кутскиз 10 мае. Тулыс ю кизёнлэн нырысь нунал'ёсаз ик умой ужас'ёс шараяськызы.

Нырысетй бригадаысь (бригадирез С. Н. Стрелков) гырись А. А. Стрелков гырон нормаэз 100 процентлы быдэ'я; куиньметй бригадаысь (бригадирез А. Н. Бушмакин) гырись С. А. Усков нуналлы быдэ гырыны кулэ 1,25 гектар, со гыре 1,31 гектар; нылетй бригадаысь (бригадирез Л. В. Стрелкова) гырисьлэн нормаэз 1,20 гектар, со быдэ'я 1,42 гектар, А. М. Стрелков 1,31 гектар нуналлы быдэ гыре.

Ужан азинлыкез азыланьын но лябомытоно овёл. Ужан нормаез нуналысь нуналэ жутыса, выль агротехникаез уж вылын орчтытэса ю кизёнэз вакчи дыр куспын быдэстоно.

С. И. ТРОНИН

Районамы тулыс бусы уж'ёслэн мынэмез

Асьме районн райзолэн даннойёсыз'я 13 маёз 108 гектар жегудлы подкормка сэтэмын, 343 гектар жегуд усаямын, 22 гектар клевер усаямын.

Тулыс ю кизён улэ 351 гектар гыремын. 182 гектар вылэ ю киземын, со пöлысь 89 гектар сезы, 33,87 гектар чабей, 22 гектар етын, 23 гектар клевер но 11 гектар йды киземын.

Каргурез колхозын ю кизёнэн уг дырто

Тюпти сельсоветысь Каргурез колхозын тулыс ю кизёнлэн нырысь нунал'ёсаз ик трос тырмытэос шараясько. Колхозлэн бусыосысьтыз муз'ем участок'ёс огез борсы мукет'ыз ю кизыны вуыло ни. Озын ке но ю кизён уж'ёс колхозын «вазь на», «кот на» шуыса вераськон мылкыд улскын кулэез'я уг выр'зыт'ёско.

Ю кизёнлэн котькыче уж'ёсаз т'япайтыса ужаны вырем'ёс адзис'ко.

Нуназеяны гинэ ю кизёнын ужас'ёслэн дырзы 3-4 час ортче, уже потало бер, ужысь берто вазь. Гырисьлэн уж'ёссы обезличить каремын, 4-5 валэн гырисьлэн отзы борсы отзы ветлыса гыро. Соин ик нуналлы быдэ котькуд гыриськөнэ со нормаэз быдэ'я ляд'яны туж шуг. Гыронн ужез тазы пунктэмен азинскем'ёссы туж лябэсь. 11 мае 26 валэн 7 гектар гинэ

гыремын.

Татын агроправилоосты нарушать карон факт'ёс но вань. Куд колхозник'ёс туж лазег гыро, кылсярысь З. И. Корепанов 8 сантиметр сяна мурдалаен уг гыры. Марлы лазег гыриськод шуыса юамлы, та Корепанов вера: «мур гырыса нормаез уд быдэ'я». Озын ик 12 сантиметр гинэ мурдалаен гыро Н. Корепанов но А. Корепанов, нош правилоя 16-18 сантиметрлэсь лазег гыроно овёл.

Агротехникаез полностью уж вылын быдэ'яно.

Та колхоз туэ тулыс 350 гектар вылэ кизёно луэ. 12 мае азе 13 гектар вылэ гинэ киземын ни. Азыланьын но колхоз т'яче ик „азинскем'ёсын“ ужаз ке, ю кизёнлэн быремезлэн пумыз но уг адзис'кы.

Колхозлы тулыс ю кизён уж'ёс котыре умой-умой кутскыны дыр вуэмын ни. Ст. Загр.

Иностранной телеграммаослэн обзорзы

(Военной действаослэн дневниксы)

Та берло дыре германской авиация бомбардировать кариз Англиэн центральной, южной но юговосточной районьсытыз трос объект'ёсты. 11 майлы уйин юн бомбардировка улэ шедьтэмын вал Лондон. Ассошиэйтед Пресс агенствэлэн утверждениосыз'я война кутскем тырысен налет'ёс пöлысь самой кужмо налетэн та вал. Английской военной сводкаосын вераське, что германской бомбаос шодскымон материальной ушерб лэстызы но трос калык'ёс быризы. Озын ик иворт'ёске, что та уйе Англия вылысен 33 германской самолет'ёс сбить каремын вал, нош та берло 10 нунал'ёсы германской авиация 124 бомбардировщик'ёссы ышт'ыз.

Английской „Санди таймс“ газетлэн малпамез'я, та берло арняе германской авиацилэн кужмомез свидетельствовать каре Западн германской наступательной операциослэн выль кутсконзы сярысь.

Асьсэлэсь действоэс активизировать каро английской воздушной кужым'ёс но. 10, 11 но 12 мае уй'ёсы английской авиациян налет'ёсыз направить каремын вал Гамбург, Бремен, Маннгейм, Людвигсхафен, Берлин, Эмден германской город'ёс вылэ но озын ик немец'ёсын оккупировать карем Францись,

Бельгийсь но Голландийсь территориясысь порт'ёс вылэ. Германской газет'ёс гожто, что Бремерын английской самолет'ёс буквально городлэн вань район'ёсаз бомбаос куязы. Улэзы 45 пожар'ёс. Разрушить каремын 10 зданиос, 29 зданиос урод каремын, көня ке сю коркаослы лэстынэз незначительной повреждениос.

Война карис'ёслэн действоосы уг дугдо моря вылын но. Английсь информацилэн министерствоэс опубликовать кариз британской флотлэн апрель толэзе көня быремез сярысь даннойёсты. Ваньмыз вылтэмын вал 60 английской суд'ёс, 43 параход'ёс союзник'ёслэн но 3 параход'ёс нейтральной странаослэн. Английской „Дейли мейл“ газет вера, что та даннойёсты опубликовать карон вызвать каремын английской судоходствоэс ышон'ёс сярысь США-ын спор'ёс луэмен.

Африканской фронт'ёсын шодскымон вошт'ёскон'ёс оз луэ. Египетско-ливийской фронтн разведывательной отряд'ёслэн действоосы пус'ис'ке. Та район'ёсын военной операциослэн чалмыт луэмзэс иностранной печать валэктэ туж юн пöсьёс луэмен.

Абиссинин положениез касаться карис'кыса английской газет „Таймс“

гожтэ, что итальянец'ёс асьсэлэсь кужымзэс огазеязы куинь-ныль неприступной район'ёсы, куд'ёсэс капчи возьманы. Итальянской командование Абиссинин военной операциосты кызы ке но продлить карыны турттэ, чтобы интыысь английской войскаосты татын кемагес возыны. Та дыре, гожтэ газет, Абиссинин вань на 30 сюрс итальянской войскаос, нош туземной частьёслэн лыдзы трослы синыз.

* * *

Иракын, английской ивортон'ёс'я англичан'ёс занять каризы Рутба (Ираклэн запад палаз) форгэз. Иракской частьёс Хаббания (страналэн центраз) аэродром дорысь палэнтэмын. Английской войскаослэсь продвиженез дугдытон понна, Ираклэн войскаосыз Ефрат шур вылысь плотинаез ус'тызы но Фалуджа но Багдат город'ёс вискысь улын инт'иез вуэ шедьт'ызы.

Иракской командованилэн ивортонназ вераське, что фронтлэн западной участказ англичан'ёс секыт положение шедизы. Синельдебан районн иракской артилерия азинлыко ыбылэ неприятельской позициосты.

Фронтлэн южной участказ, Басры районн, ноныче вошт'ёскон'ёс оз луэ. (ТАСС. 13 май 1941 арин).

Вуоно призывез умой дасяськыса пумитано

РККА лэн рад'ёсаз призыв, асьме советской егит'ёс понна традиционной но патриотической праздникиен луиз. Котыкд аре родинамылэн егит'ёсыз, РККА-лэн луоно воин'ёсыз, призывез умой дасяськыса пумитало.

Организованно ортчиз Красной Армии призыв кылем арын. Районыстымы куд призывник'ёс Красной Армии мынэмлэсь азьло ик талы дасяськызы. Сычеос полк пьро ВКП(б) членэ кандидат К. Ложкин, Чубой колхозысь первичной комсомольской организации бывшай секретарез А. Князев но мукет'ёсыз. Али соос Красной Армии отличной воинской служба нуо ни.

Туэ арын призыв эшшо но организованно ортчын кулэ на. Со понна районымы тырмымон луонлык'ёс вань. Ваньзы призывник'ёс 100 процентлы ГСО, ЛВХО но куасэн ветлон'я нормаоссэ сётызы. Со сяна 35 призывник'ёс ГСО значоклэн II ступенезлы нормаос сётызы. Призывник'ёс пöлысь 21 мурт тракторист'ёс лыд'ясько.

Красной Армии призыв кутыктыозь дыр трос өз кылы ни. Но верано луэ, призывлы дасяськонын трос на тырмынтэос. Сое верало со факт'ёс но, что куд-огез призывник'ёс та дырозь асьсэлэсь неграмотностьсэ өз быдтэ на.

Производствоэсь лыкытэк шофер'ёсты но мотоциклетист'ёсты дасян кружок организовать каремын вал. Та кружоклэсь ужэ райвоенкомат но ВКП(б) райкомлэн военной отделэз эскерылымтэнызы отын занятиос уг ортчыло. Урод пуктэмын допризывник'ёс пöлын воспитательной уж но.

Куд-огез комсомолец'ёс но призывлы урод дасясь-

ко. Тани Корепанов Борис вечерней школаын X классын дышетске. Со школа юнме дырзэ гинэ быдтыса ветлэ, призывлы уг дасяськы, дышетске урод. Быдэсак та Корепановлы абдрано кадъ. Колхозын номыр уг ужа, аслэстыз идейно-политической уровеньзэ уг жуты.

Таке ик призывалы урод дасясько Шкляев Семен (Шурый), Корепанов Вениамин, Корепанов Василий (Б-Пульб) колхоз'ёсысь призывник'ёс.

Али ик, чик мөгатэк котыкд призывник ГТО значоклы гужем нормаосты сётыны кулэ. Призывник'ёс пöлын соревнованиос но кросс'ёс организовать кароно. Та ужэн вискарятэк кивалтоно луо осоваихим, райвоенкомат, ВКП(б) райкомлэн военной отделэз, ВЛКСМ-лэн райкомез. Со сяна, котыкд призывник аслаз производствоз честно но добросовестно ужано луэ, производственной уж'ёсыстыз план'ёссэ быдэсьяно, соблюдать кароно гражданской дисциплинаез.

А. С. Анисимов.

Райпромкомбинатын асьсэлэн „правилозы“

Зурацьсэ райпромкомбинатлэн дйсьёс вурон мастерскоез вань. Та мастерскойын вурем дйсьёс понна дун'ёс тупато кызы м'лыз потэ озы асьсэлэн „правилозы“, хотя вурем дйсьёс лы государственной дун'ёс ке но вань. Тани 30 апреля буртчин блузкаос вурлызы, куд'ёссэ дун'язы котыр 73 манетэн. Нош государственной дун та дйсьёс тупатэмын 54 манет.

Райпромкомбинатын вурем дйсьёс дун'ёс тупато бухгалтер Агафонов но кладовщик Хозяйкин. Нош комбинатлэн директорез Корепанов но производстволэн заведующеез Рухлядев талэн палэназ сыло, дйсьёс дун тыронэн интересоваться уг карисько.

Райпромкомбинатын нырысьсэ случай та өвёл ни. Райпотребсоюз та сярсь трос акт'ёс гожтыса исполкомлэн райторготделэзлэн заведующеезлы Барминлы лэзьз. Кызы ке Бармин, озы ик исполкомлэн местной промышленностья отделэзлэн заведующеез Васнецов та сярсь кылэм аджем но уг каро, ымазы вужзем кадъ уло. А.

Колхозын оборонно-физкультурной уж

Ключевка сельсоветысь Дюйшур колхозысь егит'ёс активно участвовать каро оборонно-физкультурной ужын. Оборонной значок'ёс зимней нормаос но татыл умой сдать каризы. Та колхозын али но гимнастической соревнованилы дасяськон умой мынэ.

Колхозын оборонно-физкультурной ужез азинлыко нуонын активно участвовать каре Е. И. Тронин.

Л. Тронина.

Колхозниклэн не честностез

Чубой сельсоветысь Сенькачум колхоз 1941 арын Чубой лесничестволы 200 манетэн корт уробо лэсьтиз. Уробо лэсьтэм понна та коньдонэз басытыз колхозник К. С. Сунцов но колхозной кассасе сдать карытэк аслыз кариз.

Сунцовлэн тазы „ужамез“ шуиське не честно ужам. Колхоз правленилы та ласянь уждад кутано.

Т. Князев

СССР-лэн Западной границаяз



Боевой но политической подготовкой отличник пограничник, комсомолец В. Б. Саваренко, государственной границаосты возманын. Фотоэз Черновлэн. ТАСС-лэн фотохроникаез

Антирелигиозной беседа

ВАНЬ-А ИНБАМ?

Кемалась дырысен калык'ёс быдэс дуннеез кык люкетлы люкылэз: муз'емлы но инбамлы. Азьвыл лыд'ялэзы, что Муз'ем со дуннелэн улйез, нош инбам Муз'емез кёче ке чагыр шобретэн кадъ шобыртыса возе.

Ныльсю ар пала талэсь азьло калык'ёс лыд'ялэзы, что инбам чурит. Иудейско-христианской библиын озы ик вераське: инмар кылы дьтйз „чурит“ („твердь“) но нимаз сое инбамен, „пуктйз“ со вылэ Шундыез, Толэзез но кизилиосты, нош соос сьбрын, пе, улэ «царство небесное» но, кудйз сярсь вань религиосысь поп'ёсын юн вöлмытйсько нелепой сказкаос.

Табере пичиесь школьник'ёс но умой валало ни, что Муз'ем со туж бадзым шар но со вылын нокиче сводэз өвёл. Чагыр купол кадъ асьмелы потэ со, кудйныз асьмеос шокаськомы, кудйныз Муз'ем котыкд ласянь котыртэмын. Муз'емлэн поверхностез дорын гинэ омыр туж плотной. Киня ке Муз'емлэсь вылын, сокем омыр кизер луэ. Сюрс километр пала вылын омыр почти өвёл ни, нош отяз омыртэм мировой пространство ни.

Омыр пярты пöртэм плотностен Шундылэн тылсиосыз ортчо. Нош Шундылэн югытэз, кудйз асьмелы потэ тöдды яке бесцветной кадъ, зэмзэ ик пöртэм цвет'емесь тылсиослэсь состоягь каре.

Шунды югытын основном сизым цвет'ёс: горд, гордыт чуж, чуж, вож, чагыр, лыз но сьбдалэсь льоль.

Та разноцветной тылсиос омырты ортчо пöртэмесь направлениос'я. Чагыр, лыз но сьбдалэсь льоль тылсиос

шундылэн мукет тылсиосыслэсь юнгес омырен поглощаться карисько, мукет семян вераса омырен задерживаться карисько; со сяна соос котыкд пала разбрасываться, рассеиваться карисько. Нош горд но гордыт чуж шунды тылсиос рассеиваться карисько каленгес но поглощаться карисько öжыт. Соин ик соос асьсэлэсь направлениоссэс öжытгес вошто.

Главным образом асьме дорозь Шундылэн горд тылсиосыз вуо. Нош лыз но чагыр тылсиосыз омырын туж юн рассеиваться карисько но солы «инбам» кадъ окраска сёто. Татысен юан потэ инбамлэн цветэз лыз-а яке чагыр-а.

Уйин, куке шундылэн югытэз өвёл, омыр уг ни пот чагыр сводэн, асьмеос соку адзыны быгатйськомы кизилиосты, куд'ёсыз мировой пространстволэн пейзажынасаз кысьтаськыса уло.

Кизилиос представлять каро бадзымесь светилаос. Соос асьме дорысь Шунды сярсь миллион поллы кыдэкин но таин чöш ик соос пöртэм расстояниосын. Кизилиослэн асьме дорысь кыдэкин луэменьзы ик, асьмелы соос пейзаж инбамен пичиесь гинэ тыл'ёс кадъ яке пиштэм кадъ гинэ адско.

„Инбамен“ асьмеос шуиськом вань со пространство, кудйныз Муз'ем котыртэмын. Со пространство бесконечной вселеннойёсын, кудйз тырмытэмын лыд'янтэм трос пöртэмесь инбам светилаосын. Инбам светилаос пушкын асьме Муз'ем пичи гинэ планета, кудйз ялан берга Шунды котырты. Проф. К. БАЕВ.

Ответственный редактор КНЯЗЕВА. Поттйсь Райсоветлэн Исполкомез.

Общественное...

но личное.



—Абдасько, кызы колхозлэн правленийез чидатэче „хозяйственникез“.



—Мынамеэ-то кыче хозяйственной: котыкд корт'огез аслаз азбрысьтыз утылтоз.

Государственной средствоосты тус-тас каронэн нюр'яськоно

Партилен XVIII Всесоюзной конференцииэз продукцилэсь себестоимостьсэ синтон сярсь бадзым саклык вис'яз. Маленков эш аслаз докладаз та сярсь тазы вераз:

„Потгоно продукцилэсь себестоимостьсэ ялан кулэстыны кулэ, хозрасчетэз котыкызы ик юватомо, расточительствоз решительно пороно“.

Расточительствозен кужмо нюр'яськон сярсь бадзым саклык вис'яз СССР-лэн Верховной Советэзлэн VII-тй Сессиез но. СССР-лэн Государственной бюджетэз сярсь докладаз Зверев эш вераз:

„... государственной аппаратеэз упростить карон но дунтэматон задача туж актуальной дуэ но 1941 арып уката сжолмаськыны кулэ предприятиослэсь но хозрасчетной организациослэсь управленческой аппаратеэз кулэстон но упростить карон понна“.

Партийной конференци-

лэн но Верховной Советлэн Сессиезлэн та указаниосыз Зурацьсэ куд предприятиослэн но организациослэн кивалтйсьёссылэн валанназы вуымтэ на. Таке кивалтйсьёс али ке но государственной средствоосты но ваньбурез экономить уг каро, расточительстволы пумит нюр'яськон уг нуо.

Государственной средствоосты тус-тас каронэн нюр'яськы мтээн туж юн вис'яське Зурацьсэ лесопромышленной артель, кудйзлэн председателез луэ Скоробогатов эш. Та артельлэн аппаратаз штатлэсь вылты куинь мурт ужасьёс возэ: плановик, бухгалтер но конюх. Толэзлы быдэ таослы быдто 850 манет коньдон. Та сяна та артельын ик аппаратазы кык мурт ужасьёслы завышенной ставкаос тыро: завхозлы 90 манет, техникалы 35 манет мултэс уждун тыро.

Озы та артельын та артельн нырысетй кварталэз

понна уждун фонд'я 2750 манетлы перерасход лэсьтэмын.

Таке ик урод сюрес кузя мынэ дорожно-эксплуатационной участок, кытын луэ начальникез Шиляев эш. Татын нырысетй квартал понна персональной ставка улсын ныль мурт ужасьёслы толэзлы быдэ 375 манет тырлы завышенной ставкаос тыризы. Нош зэмзэ ик нокиче но персональной ставкаос та организация понна юматэмын өвёл.

Нош райзоын вить мурт ужасьёссы, талы нокиче закон ке но өвёл, бесплатной квартираен но отопление пользоваться карисько.

Государственной средствоосты тус-тас каронэн решительно нюр'яськон нуо. Партийной конференцилэсь решенизэ но Сессилэсь пуктэмзэ побольшевиствы быдэсьяно.

Зура райфолэн бюджет'я инспекторез Н. Усков